



Sabtu, 02 Oktober 2021
Ogen: Esekiel 16:15-22



“Nalah Gunaken Rupa Mejile”



Lit belas-belas ngatakenca **"Rupa mejile la nentuken isi"**, enda me si icidahken diberu-diberu kalak Jerusalem bas perdalanan kegeluhenna si la ngergaken Dibata. Diberu Diberu Jerusalem tersiar kerna kinijilenna. Tapi, rupana si mejile jadi dalam diberu-diberu e lanai ngkuasai dirina alu medem ras dilaki-dilaki sideban (*ayat 15*). Bagepe, kerna uisna si mejile jadi bahan persembahen man dewa-dewa (*ayat 16*). Perhiasen si ipakena pe jadi gana-gana guna erlua-lua (*ayat 17*). Uis si ipersembahken pe ipakeken man gana-gana ras nggo itamakan lebe alu minak saitun ras kumenen (*ayat 18*). Pangan-pangan si ntabeh pe ipersembahken man berhala (*ayat 19*). Anak-anakna pe ipersembahken man berhala (*ayat 20*). Enda me biak-biak si naluken rupa mejile ndai, seh maka kegeluhenna erban ceda pusuh Dibata. Kerna rupa mejile, kerna erta-erta, kerna kepentaren kerina e pemere Dibata. Nalah gunaken rupa mejile jadi biak si ncedai kegeluhen tentuna enda harus sitadingken arah biak kegeluhenta. Kerna rupa mejile ndai, banci mis sasap kinijilenna perban lagu langkah si la mehuli. Tentuna kita sebagai Moria ula sempat bage. Kerina Moria e mejile, Kerina Moria harus lit kinibayaken biak-biak si mehuli bas ia. Emaka banci sikataken Moria e dem alu pasu-pasu. Nggo nge kita jadi Moria si merupa/si mejile ndai? Moria si mejile eme Moria si banci ncidahken kegeluhen bagi si ngena ate Dibata. Jadi Moria si maba kedamen, keriahen si dem alu pasu-pasu. Ijagaina kegeluhenna erpalasken Kata Dibata. Ma e sura-suranta? Jadilah Moria si mejile arah perukuren, pengerana, lagu langkah ras jadi nande si mabai kiniulin i tengah-tengah jabuna. Adi nggit kita, berarti Kesah Si Badia e nggo erdahin bas kegeluhenta. Ula sempat masap kinijilenta perbahan biak-biak si mejin ndai. Jadilah nande si mejile, melias, mehuli, metami si dem alu kekelengen si mbelin seh maka si lit i bas kita e jadi tama kemulian man Dibata.